

Քաղվածք
Արդարադատության ակադեմիայի
կառավարման խորհրդի 2017 թվականի
սեպտեմբերի 29-ի թիվ ԿԽ-005/17/1 որոշման
հավելվածից

VII. ՈՒՆԿՆԴՐԻ ՎԱՐՔԱԳԾԻ ԿԱՆՈՆՆԵՐԸ

20. **Ունկնդիրն** իրավունք ունի՝

- 1) օգտվել **Ակադեմիայի** գրադարանից, լսարաններից, հյուրանոցից (հյուրանոցից և գրադարանից օգտվելու ընթացակարգերը սահմանվում են **Ռեկտորի** հրամաններով)։
- 2) մասնակցել **Ակադեմիայի** գործունեությանն առնչվող հարցերի քննարկմանը և ներկայացնել առաջարկություններ։
- 3) սահմանված պահանջներին համապատասխան՝ մասնակցել **Ակադեմիայում** անցկացվող գիտահետազոտական աշխատանքներին, սեմինարներին և գիտաժողովներին, մարզամշակութային միջոցառումներին, թղթակցել «Բանբեր արդարադատության ակադեմիայի» գիտագործնական հանդեսին։
- 4) ստանալ ուսումնական գործընթացին վերաբերող լիարժեք տեղեկատվություն։
- 5) ծանոթանալ **Ակադեմիայի**՝ իրեն վերաբերող անհատական և ներքին իրավական ակտերին, բողոքարկել այդ ակտերը՝ ՀՀ օրենսդրությամբ սահմանված կարգով և ժամկետում։

21. **Ունկնդիրը** պարտավոր է՝

- 1) կատարել դասախոսների՝ իրենց իրավասության սահմաններում տրված հանձնարարությունները։
- 2) պահպանել էթիկայի կանոնները։
- 3) կատարել **Ռեկտորի** և **Աշխատողների** օրինական հրահանգները, ցուցումները, որոշումներն ու հանձնարարությունները։
- 4) պահպանել **Ակադեմիայի** կանոնադրության, **Կանոնների** և այլ իրավական ակտերի պահանջները։

22. **Ունկնդրի** վարքագծի կանոնների պահպանման նկատմամբ, իրենց լիազորությունների սահմաններում, հսկողություն են իրականացնում **Ակադեմիայի** կառավարման խորհրդի անդամները, **Ռեկտորը**, **Ակադեմիայի** պրոռեկտորները, **Աշխատակազմի ղեկավարը**, **Ակադեմիայի** հեռաուսուցման և SS դեպարտամենտի ղեկավարը և **Աշխատողները**։

23. **Ունկնդրի** վարքագծի կանոնների 22-րդ կետում նշված անձինք, **Կանոնների** պահպանման նկատմամբ հսկողություն իրականացնելիս, իրավասու են ողջամիտ միջոցներ ձեռնարկել՝ կանխելու այդ կանոնների որևէ կետի խախտումը։

24. **Ունկնդրի** վարքագծի կանոնների խախտումների վերաբերյալ ծանուցումները կարող են կատարվել էլեկտրոնային եղանակով՝ **Ունկնդրի** էլեկտրոնային հասցեին ուղարկելու կամ **Ակադեմիայի** կայքէջում տեղադրելու միջոցով։